

**OPĆINA STARI GRAD SARAJEVO****Općinsko vijeće**

Na osnovu članova 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 27. Zakona o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04, 26/12, 32/12-ispravka i 24/15) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na 37. redovnoj sjednici održanoj dana 30.05.2024. godine, donijelo je

**ODLUKU****O IZMJENAMA I DOPUNAMA ODLUKE O  
PRIVREMENOM KORIŠTENJU JAVNIH POVRŠINA  
NA PODRUČJU OPĆINE STARI GRAD SARAJEVO**

## Član 1.

U Odluci o privremenom korištenju javnih površina na području Općine Stari Grad Sarajevo ("Službene novine Kantona Sarajevo", broj 14/24), član 9. se mijenja i glasi:

## "Član 9.

(Period korištenja javnih površina za postavljanje stolova ispred ugostiteljskih radnji i slobodnostojeći otvorenih bašti)

- Period privremenog korištenja javnih površina za postavljanje stolova ispred ugostiteljskih radnji i slobodnostojećih otvorenih bašti utvrđuje se u periodu od 1. aprila do 30. septembra tekuće godine za ljetni period, te od 1. oktobra tekuće do 31. marta naredne godine za zimski period.
- Korisnicima javne površine iz stava (1) ovog člana odobrenje za korištenje javne površine može se izdati samo za period koji nije kraći od 30 dana."

## Član 2.

Član 17. se mijenja i glasi:

## "Član 17.

(Dodjela lokacija prije donošenja i izvan obuhvata Elaborata)

- Dodjelu lokacija za privremeno korištenje javnih površina za postavljanje kioska i slobodnostojećih otvorenih bašta, prije donošenja Elaborata, kao i izvan obuhvata Elaborata vršit će se shodno odredbama člana 10. ove Odluke.
- Početna cijena za privremeno korištenje javne površine iz prethodnog stava se utvrđuje prema zoni u kojoj se lokacija nalazi.
- Do usvajanja Elaborata, kao osnov za dodjelu javnih površina putem javnog poziva koristit će se Plan korištenja javnih površina usvojen od strane Općinskog vijeća Stari Grad Sarajevo."

## Član 3.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-45-490/24  
Maja 2024. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

**OPĆINA TRNOVO****Općinsko vijeće**

Na osnovu čl. 44. i 57a. Zakona o Pravobranilaštvu ("Službene novine Kantona Sarajevo", br. 33/08 - Novi

prečišćeni tekst, 07/12, 44/16, 45/21), čl. 18. i 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Općine Trnovo, na 26. redovnoj sjednici održanoj dana 12.06.2024. godine, donosi

**ODLUKU****O PRAVOBRANILAŠTVU OPĆINE TRNOVO****I OPĆE ODREDBE**

## Član 1.

Ovom Odlukom utvrđuje se nadležnost i način rada Pravobranilaštva Općine Trnovo ( u daljem tekstu: Pravobranilaštvo), propisuje postupak za imenovanje, smjenjivanje i prestanak rada pravobranioca, zamjenika pravobranioca i uređuju druga pitanja u vezi sa radom Pravobranilaštva.

## Član 2.

Pravobranilaštvo vrši poslove pravne zaštite imovine i imovinskih interesa Općine Trnovo, te vrši i druge poslove određene zakonom i ovom Odlukom.

Pravobranilaštvo svoju funkciju vrši u skladu sa Ustavom, zakonom, općim aktima i drugim propisima.

## Član 3.

Državni organi, općinske službe za upravu, posebne stručne službe/odsjeci, preduzeća i druga pravna lica koji posjeduju podatke i obavještenja o ugrožavanju, narušavanju ili osporavanju prava i stvari u vlasništvu Općine dužni su iste dostaviti Pravobranilaštvu radi preduzimanja pravnihi radnji, mjera i sredstava za koje je Pravobranilaštvo zaduženo.

Organi, općinske službe za upravu i pravna lica iz prethodnog stava dužni su na zahtjev Pravobranilaštva, dostaviti podatke, obavještenja, spise i pružiti podatke i objašnjenja koji su potrebni za preduzimanje radnji za koje je Pravobranilaštvo ovlašteno.

Pravobranilaštvo i na vlastitu inicijativu preduzima pravne radnje i sredstva za ostvarivanje funkcije iz stava 1. člana 2. ove odluke.

Kada Pravobranilaštvo mora postupati u propisanom zakonskom roku, organi, općinske službe za upravu i pravna lica iz stava 1. i 2. ovog člana dužni su da Pravobranilaštvu neodložno dostaviti spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja organa, općinskihi službi za upravu i pravnihi lica iz stava 1. i 2. ovog člana, nastupi šteta za Općinu Trnovo ili druge subjekte koje zastupa, Pravobranilaštvo o tome obavještava organ koji je ovlašten da vrši nadzor nad radom tog organa ili organizacije i Općinskog načelnika, te rukovodiocu zastupanog organa ili organizacije podnosi zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i o ishodu pokrenutog postupka ovlašteno lice je dužno obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu pricinjene štete .

## Član 4.

Pravobraniocu i zamjeniku pravobranioca izdaje se službena legitimacija.

Službenu legitimaciju izdaje Općinski načelnik u skladu sa važećim propisima Kantona Sarajevo.

Pravobranilaštvo ima pečat u skladu sa kantonalnim i općinskom propisima o pečatima.

Sjedište Pravobranilaštva je: u Trnovu, ul. Trnovo 36.

#### Član 5.

Federalni i kantonalni propisi kojima se uređuje radno-pravni status državnih službenika, namještenika, pripravnika u organima državne službe i status lica na stručnom osposobljavanju bez zasnivanja radnog odnosa, shodno se primjenjuju i na državne službenike, namještenike, pripravnike i lica na stručnom osposobljavanju bez zasnivanja radnog odnosa u Pravobranilaštvu općine.

## II NADLEŽNOSTI I ORGANIZACIJA PRAVOBRANILAŠTVA

### 1. Nadležnost Pravobranilaštva

#### Član 6.

Pravobranilaštvo vrši poslove pravne zaštite imovine i imovinskih interesa Općine i njenih organa, stručnih službi i drugih institucija koje se finansiraju iz Budžeta Općine ili čiji je Općina osnivač.

Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač odnosno suosnivač Općina, a po zahtjevu osnivača odnosno suosnivača.

#### Član 7.

Poslove zastupanja općinskih i drugih organa, preduzeća i drugih pravnih lica iz člana 6. ove Odluke Pravobranilaštvo vrši u svim sudskim postupcima i upravnom postupku, u skladu sa Zakonom.

#### Član 8.

U vršenju poslova zastupanja Pravobranilaštvo je ovlašteno da preduzima sve radnje koje preduzima stranka u postupku.

#### Član 9.

Državni i drugi organi, službe za upravu, preduzeća i druga pravna lica iz člana 6. ove Odluke dužni su blagovremeno obavijestiti Pravobranilaštvo o slučajevima u kojima je ono ovlašteno da ih zastupa i ulaže pravna sredstva i preduzima druge zakonom određene pravne radnje, te da mu dostave svu potrebnu dokumentaciju.

Poslove zastupanja organa i pravnih lica iz člana 6. ove Odluke Pravobranilaštvo vrši u svim sudskim i upravnim postupcima, u skladu sa zakonom.

Pravobranilaštvo može zastupati državne organe koji su tuženi u upravnom sporu, ako ga oni na to ovlaste, kada je povrijeđena imovina i imovinski interes Općine.

Ukoliko pravomoćnom presudom bude utvrđen nezakonit rad ili odluka zastupanog organa ili općinske službe za upravu, organizacije, Pravobranilaštvo o tome obavještava organ koji vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti za nezakonit rad ili nezakonitu odluku.

Rukovodilac zastupanog organa ili organizacije obavezan je pokrenuti postupak iz stava 4. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka ovlašteno lice je dužno obavijestiti Pravobranilaštvo.

#### Član 10.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt kojeg zastupa.

Ako se ne postigne saglasnost u mišljenju ili ako subjekta ne odgovori u određenom roku, konačnu odluku donosi Pravobranilaštvo i o tome obavještava subjekt kojeg zastupa.

#### Član 11.

Ako Pravobranilaštvo treba shodno svojim ovlaštenjima da zastupa stranke čiji su interesi u suprotnosti a jedna od njih je Općina, Pravobranilaštvo će zastupati Općinu.

U slučaju da Pravobranilaštvo treba po zakonu da zastupa stranke čiji su interesi u suprotnosti, a nijedna od tih stranaka nije Općina, Pravobranilaštvo neće zastupati te stranke.

#### Član 12.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Općine, obavezno se pribavlja mišljenje Pravobranilaštva.

#### Član 13.

Pravobranilaštvo pruža stručnu pomoć organima, općinskim službama za upravu i pravnim licima iz člana 6. ove odluke u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenošenju na trajno ili privremeno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća kao i drugih ugovora kojima se pribavljaju stvari, odnosno materijalna prava.

Organi i pravna lica iz stava 1. ovog člana dužni su pribaviti saglasnost Općinskog vijeća prije zaključenja ugovora imovinsko-pravne prirode iz stava 2. ovog člana, a u skladu sa Ustavom Kantona Sarajevo, Statutom Općine i zakonom, a ukoliko na te ugovore nije pribavljeno mišljenje Pravobranilaštva, Općinsko vijeće ih neće razmatrati, odnosno odbiće davanje saglasnosti.

Nije obavezno pribavljanje pravnog mišljenja Pravobranilaštva kada je predmet ugovora iz stava 2. ovog člana pokretna stvar ili imovinska prava čija vrijednost ne prelazi 10.000,00 konvertibilnih maraka.

Pravobranilaštvo daje mišljenje iz stava 1. i 2. ovog člana najkasnije u roku od 15 (petnaest) dana od prijema zahtjeva i potrebne dokumentacije, a u naročito složenim slučajevima u roku od 30 (trideset) dana.

O ugovorima zaključenim bez prethodnog pravnog mišljenja Pravobranilaštva iz stava 2. ovog člana, Pravobranilaštvo obavještava organ koji je ovlašten da vrši nadzor nad radom tog organa ili organizacije i Općinskog načelnika, te podnosi rukovodiocu zastupanog organa ili organizacije zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti pravno mišljenje Pravobranilaštva.

Rukovodilac zastupanog organa ili organizacije obavezan je pokrenuti postupak iz stava 6. ovog člana i o postupanju po

zahtjevu Pravobranilaštva za pokretanje postupka utvrđivanja odgovornosti i ishodu pokrenutog postupka, ovlašteno lice je dužno obavijestiti Pravobranilaštvo.

#### Član 14.

Zaključeni ugovori imovinsko-pravne prirode obavezno se dostavljaju Pravobranilaštvu u roku od 7 (sedam) dana od dana zaključivanja.

Ako Pravobranilaštvo ocijeni da je zaključeni ugovor ništavan, podnijee tužbu za utvrđivanje ništavnosti, a u slučaju da ugovorena cijena ne odgovara prometnoj vrijednosti-tužbu za poništenje ugovora ili prijedlog za izmjenu ugovora.

## 2. Organizacija Pravobranilaštva

#### Član 15.

Funkciju Pravobranilaštva vrši općinski pravobranilac (u daljem tekstu: pravobranilac).

Pravobranilac predstavlja Pravobranilaštvo, rukovodi njegovim radom, obavlja poslove utvrđene Zakonom o pravobranilaštvu, Pravilnikom o unutrašnjoj organizaciji Pravobranilaštva Općine Trnovo i poslove utvrđene aktima Općine.

Pravobranilac ima jednog zamjenika.

#### Član 16.

Zamjenik pravobranilca vrši poslove iz djelokruga rada Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenje pravobranilca.

Kada je pravobranilac spriječen ili odsutan s posla zamjenjuje ga zamjenik pravobranilca.

#### Član 17.

Pravobranilca i zamjenika pravobranilca imenuje, smjenjuje i razrješava Općinsko vijeće na prijedlog Općinskog načelnika.

Postupak imenovanja pravobranilca i zamjenika pravobranilca provodi se u skladu sa Zakonom o pravobranilaštvu, Odlukom o standardima i kriterijima za imenovanje Pravobranilca općine Trnovo i ovom Odlukom.

#### Član 18.

Za općinskog pravobranilca i njegovog zamjenika može biti imenovan državljanin Bosne i Hercegovine i Federacije Bosne i Hercegovine, koji je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja i ima položen pravosudni ispit i iskustvo u radu na imovinsko-pravnim poslovima u Pravobranilaštvu, pravosudnim organima ili pravnim poslovima u drugim državnim organima, preduzećima i drugim pravnim licima, u trajanju od najmanje tri (3) godina nakon položenog pravosudnog ispita, i koji posjeduje najviše moralne osobine za obavljanje službe Pravobranilaštva.

#### Član 19.

Pravobranilac se imenuje na period od 4 (četiri) godine i može biti ponovo imenovan.

Zamjenik pravobranilca se imenuje bez ograničenja trajanja mandata.

Pravobranilac koji ne bude ponovo imenovan raspoređuje se na mjesto državnog službenika u Pravobranilaštvu u skladu sa svojim stručnim kvalifikacijama.

Rješenje o raspoređivanju pravobranilca na mjesto na mjesto državnog službenika Općinski načelnik, najkasnije u roku od tri mjeseca od dana prestanka funkcije pravobranilca.

Ako pravobranilac ne prihvati raspored na poslove po rješenju nadležnog organa, prestaje mu radni odnos u roku od 30 (trideset) dana od dana donošenja rješenja.

#### Član 20.

Pravobranilac i zamjenik pravobranilca prije stupanja na dužnost daju svečanu izjavu pred predsjedavajućim Općinskog vijeća.

Svečana izjava glasi: "Izjavljujem da ću se u vršenju službe pravobranilca pridržavati Ustava i zakona Bosne i Hercegovine, Federacije Bosne i Hercegovine, Kantona Sarajevo, Statuta i drugih propisa općine Trnovo i da ću službu vršiti savjesno".

#### Član 21.

Pravobranilac i zamjenik pravobranilca su dužni čuvati ugled Pravobranilaštva i svoj ugled.

Pravobranilac i zamjenik pravobranilca ne mogu vršiti inokosnu funkciju niti biti član izvršnog tijela političke organizacije.

Pravobranilac i zamjenik pravobranilca ne mogu vršiti drugu službu ili posao koji bi mogao uticati na njihovu samostalnost ili nezavisnost ili bi umanjivao njihov društveni ugled ili koji je inače nespojiv sa vršenjem dužnosti u Pravobranilaštvu.

Pravobranilac i zamjenik pravobranilca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

#### Član 22.

Pravobranilcu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranilca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz stava 1. i 2. ovog člana donosi se odluka o razrješenju.

#### Član 23.

Pravobranilac i zamjenik pravobranilca će biti smijenjeni od vršenja službe ako je:

- osuđen za krivično djelo koje ga čini nedostojnim za vršenje službe;
- izvršio težu povredu službe;
- utvrđeno da kroz duže vrijeme ne postiže zadovoljavajuće rezultate i neuredno ili nekvalitetno obavlja službu;
- na osnovu mišljenja nadležne zdravstvene ustanove utvrđeno da je trajno izgubio radnu sposobnost.

#### Član 24.

U postupku smjenjivanja pravobranilca će i zamjenika pravobranilca će se omogućiti da se izjasne o razlozima smjenjivanja.

#### Član 25.

Pravobranilac odnosno zamjenik pravobranilca bit će udaljeni od vršenja službe ako je protiv njega određen pritvor.

Pravobranilac odnosno zamjenik pravobranilca može biti udaljen od vršenja službe ako je protiv njega pokrenut krivični postupak ili postupak za smjenjivanje od vršenja službe.

Odluku o udaljenju od vršenja službe pravobranilca odnosno zamjenika pravobranilca donosi Općinski načelnik.

## Član 26.

Pravobranilac i zamjenik pravobranioaca mogu podnijeti ostavke na vršenje službe.

Ostavka iz prethodnog stava podnosi se Općinskom vijeću, a vršenje službe prestaje danom razriješenja zbog podnesene ostavke, a najkasnije u roku od 30 (trideset) dana od dana podnošenja ostavke.

## Član 26.

Odredbе Zakona o parničnom postupku i o izuzeću sudija ili sudija porotnika koje se primjenjuju na području Kantona Sarajevo shodno se primjenjuju i na izuzeće pravobranioaca i zamjenika pravobranioaca.

## Član 27.

U Pravobranilaštvu postoji određeni broj službenika i namještenika za vršenje stručnih i administrativnih poslova.

## Član 28.

U Pravobranilaštvu postoji potreban broj stručnih savjetnika za vršenje stručnih poslova utvrđenih Zakonom.

Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje tri godine radnog iskustva na pravnim poslovima nakon položenog pravosudnog ispita.

Stručni savjetnik pomaže pravobraniocu, odnosno zamjeniku pravobraniocau proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputstvima pravobranioaca obavlja druge stručne poslove predviđene zakonom.

## Član 29.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Praobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

## Član 30.

Radi osposobljavanja za samostalan radi i stručnog obučavanja koje je uslov za polaganje pravosudnog ispita, u Pravobranilaštvu se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Status lica na stručnom osposobljavanju bez zasnivanja radnog odnosa uređuje se shodno važećim federalnim i kantonalnim propisima.

## Član 31.

Unutrašnju organizaciju u Pravobranilaštvu utvrđuje Pravobranilac, Pravilnikom o unutrašnjoj organizaciji po prethodno pribavljenoj saglasnosti Općinskog vijeća.

U ostvarivanju osnovne funkcije Pravobranilaštva, Pravobranilac će prisustovati sjednicama stručnog kolegija Općine Trnovo, što će omogućiti efikasnije organizovanje i metodu rada za raspravljanje načelnih i drugih važnih pitanja iz djelokruga rada Pravobranilaštva.

## Član 32.

Pravobranilaštvo podnosi Općinskom vijeću Izvještaj o svom radu, kao i o uočenoj pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Izvještaj iz stava 1. ovog člana, dostavlja se najkasnije do 31. marta tekuće godine.

Pravobranilaštvo upoznaje Općinsko vijeće i općinskog načelnika sa Programom rada Pravobranilaštva Općine Trnovo za tekuću godinu, najkasnije u februaru tekuće godine.

U pravobranilaštvu se vodi evidencija predmeta u skladu sa Pravilnikom o poslovanju i vođenju evidencije u Pravobranilaštvu, koji donosi Ministarstvo pravde i uprave Kantona Sarajevo.

**III RADNO-PRAVNI STATUS PRAVOBRANIOCA I ZAMJENIKA PRAVOBRANIOCA**

## Član 33.

Plaće i naknade pravobranioaca i zamjenika pravobranioaca utvrđuju se u skladu sa odlukom kojom se regulišu plaće i naknade plaća u Općini Trnovo.

Koeficijent za utvrđivanje plaća pravobranioaca i zamjenika pravobranioaca utvrđuje Općinsko vijeće, na prijedlog Komisije za izbor i imenovanja.

## Član 34.

Na prava i obaveze pravobranioaca i zamjenika pravobranioaca koje se odnose na radno-pravni status, koja nisu uređena Zakonom o Pravobranilaštvu i ovom odlukom, primjenjuju se propisi kojima se uređuju prava i dužnosti državnih službenika u Kantonu Sarajevo i Federaciji Bosne i Hercegovine, kao i opći propisi o radu, kolektivni ugovori i opći akti Općine Trnovo.

**IV SREDSTVA ZA RAD PRAVOBRANILAŠTVA**

Sredstva za rad Pravobranilaštva obezbjeđuju se u budžetu Općine.

## Član 35.

Finansijsko i materijalno poslovanje Pravobranilaštva obavlja se na način kako je propisano za organe državne uprave.

Računovodstveno-materijalni poslovi, poslovi u vezi sa radnim odnosima i plaćama, kurirski poslovi, poslovi održavanja uređaja, prostorija, namještaja, poslovi vozača i sl. povjeravaju se službama uprave u okviru Jedinistvenog općinskog organa uprave i stručnih službi Općine Trnovo.

## Član 36.

Za radnje preduzete u zastupanju pred sudovima i drugim organima i tijelima u slučaju iz člana 9. ove Odluke, Pravobranilaštvo ima pravo na naknadu i nagradu troškova prema tarifi o nagradama i naknadi troškova za rad advokata.

Sredstva koja prilikom zastupanja ostvari Pravobranilaštvo prihod su Budžeta Općine.

**V PRELAZNE I ZAVRŠNE ODREDBE**

## Član 37.

Pravobranilac će u roku od 30 (trideset) dana od dana stupanja na snagu ove Odluke uskladiti Pravilnik o unutrašnjoj organizaciji Pravobranilaštva Općine Trnovo sa odredbama iste.

Do donošenja Pravilnika iz stava 1. ovog člana, primjenjivat će se važeći Pravilnik o unutrašnjoj organizaciji Pravobranilaštva Općine Trnovo.

## Član 38.

Na rad Pravobranilaštva, ako ta pitanja nisu uređena ovom Odlukom, shodno će se primjenjivati Zakon o pravobranilaštvu i drugi propisi Kantona Sarajevo i Federacije Bosne i Hercegovine.

## Član 39.

Stupanjem na snagu ove Odluke prestaje da važi Odluka o osnivanju Pravobranilaštva Općine Trnovo ("Službene novine Kantona Sarajevo", broj 43/15 i 3/17).

## Član 40.

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2543/24  
20. juna 2024. godine  
Trnovo

Predsjedavajuća  
Općinskog vijeća Trnovo  
**Amina Dedić**, s. r.

Odluka objavljena na oglasnoj ploči Općine Trnovo dana 20.06.2024. godine.

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 17-a Odluke o osnivanju Javnog komunalnog preduzeća "Trnovo" d.o.o. Trnovo ("Službene novine Kantona Sarajevo", broj 8/10 - Prečišćeni tekst) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog Općinskog načelnika, Općinsko vijeće Trnovo, na 26. sjednici održanoj dana 12.06.2024. godine, donosi

## ODLUKU

O RAZRJEŠENJU PREDSEDVAJUĆEG I ČLANOVA  
SKUPŠTINE JAVNOG KOMUNALNOG PREDUZEĆA  
"TRNOVO" D.O.O. TRNOVO

## I

Razrješavaju se dužnosti predsjedavajući i članovi Skupštine Javnog komunalnog preduzeća "Trnovo" d.o.o. Trnovo, zbog isteka mandata i to:

1. Velić Esad - predsjedavajući Skupštine,
2. Milišić Nađa - član Skupštine i
3. Smječanin Osman - član Skupštine

## II

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2544/24  
20. juna 2024. godine  
Trnovo

Predsjedavajuća  
Općinskog vijeća Trnovo  
**Amina Dedić**, s. r.

Odluka objavljena na oglasnoj ploči Općine Trnovo dana 20.06.2024. godine.

Na osnovu člana 4. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13), Općinsko vijeće Trnovo, na prijedlog Općinskog načelnika, na 26. sjednici održanoj 12.06.2024. godine, donosi

## ODLUKU

O IMENOVANJA VRŠILACA DUŽNOSTI  
PREDSJEDNIKA I ČLANOVA SKUPŠTINE JKP  
"TRNOVO" D.O.O. TRNOVO

## I

Ovom odlukom vrši se imenovanje vršilaca dužnosti predsjednika i članova Skupštine JKP "Trnovo" d.o.o. Trnovo (u daljem tekstu: Skupština Preduzeća), i to:

1. Amila Krupalija, v.d. predsjednica Skupštine
2. Haris Krupalija, v. d. član Skupštine
3. Đemo Čerkez, v. d. član Skupštine

## II

Vršioći dužnosti predsjednika i članova Skupštine iz tačke I ove odluke imenuju se na period od najduže tri mjeseca.

## III

Ova odluka stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-2545/24  
20. juna 2024. godine  
Trnovo

Predsjedavajuća  
Općinskog vijeća Trnovo  
**Amina Dedić**, s. r.

Odluka objavljena na oglasnoj ploči Općine Trnovo dana 20.06.2024. godine.

Na osnovu člana 13. Zakona o principima lokalne samouprave u FBiH ("Službene novine Federacije BiH", br. 49/06 i 51/09) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 26. sjednici, održanoj dana 12.06.2024. godine, donosi

## ODLUKU

O IZMJENAMA ODLUKE O OSNIVANJU JAVNOG  
KOMUNALNOG PREDUZEĆA "TRNOVO" D.O.O.  
TRNOVO

## Član 1.

U Odluci o osnivanju Javnog komunalnog preduzeća "Trnovo" d.o.o. Trnovo - Prečišćeni tekst ("Službene novine Kantona Sarajevo", broj 8/10) član 6. mijenja se i glasi:

"Član 6.

Sjedište preduzeća je u Trnovu, Bare 30."

## Član 2.

Član 8. mijenja se i glasi:

"Član 8.

Djelatnost Preduzeća u unutrašnjem i vanjskom prometu:  
"01.13 Uzgoj povrća, dinja i lubenica, korjenastog i gromoljastog povrća"  
"01.29 Uzgoj ostalih višegodišnjih usjeva"  
"01.30 Uzgoj sadnog materijala i ukrasnog bilja"  
"02.20 Sječa drva (iskorištavanje šuma)"  
"08.11 Vađenje ukrasnog kamena i kamena za građevinarstvo, krečnjaka, gipsa, krede i škriljaca"  
"08.12 Djelatnost kopova šljunka i pijeska, vađenje gline i kaolina"  
"09.90 Pomoćne djelatnosti za ostalo vađenje ruda i kamena"  
"23.61 Proizvodnja proizvoda od betona za građevinarstvo"  
"33.12 Popravka mašina"  
"33.14 Popravka električne opreme"  
"33.19 Popravka ostale opreme"  
"35.30 Proizvodnja i snabdijevanje parom i klimatizacija"  
"36.00 Sakupljanje prečišćavanje i snabdijevanje vodom"